


菩薩行五十緣身經  
喜薩修行經

百七十一  
必十

48491



元祿九年丙子二月日重脩

皇圖聖圖 帝階級呂

佛日增輝 懋輪常轉

山城州天安寺法金剛院置



二經同卷 十

菩薩行五十緣身經

菩薩修行經

菩薩行五十緣身經

西晉三藏法師竺法護譯



必

佛在羅閱祇耆闍崛山中時與比丘僧千二百五十人比丘尼優婆塞優婆夷諸天龍鬼神無央數十方諸來菩薩十萬人皆自然師子七寶蓮華上坐十方諸菩薩見佛端正無比身有三十二相八十種好座中有一菩薩名憍那尸利語文殊師利菩薩言仁者知深經能自知佛何因緣莊嚴其身得功德如是



乎十方諸菩薩聞是言莫不歡喜文殊師利  
即起前長跪白佛言座中諸菩薩中有已得  
阿惟越致者中有未得阿惟越致者皆見佛  
身有三十二相八十種好莊嚴其身端正無比  
何因緣得是乎願佛爲諸菩薩說前世所作  
功德諸菩薩聞之當益增功德佛言善哉善  
哉文殊師利發意問乃尔乎佛言聽我說前  
世作功德菩薩世世所重愛珍竒好物持施  
與人常持好眼善意施與用是故佛悉得智  
慧知諸經法菩薩世世持采女珍寶莊飾持  
善意以施與人用是故得佛聲萬種聲出菩  
薩世世常以好願善意視世間人用是故人

民見佛視無厭極譬如月十五日盛滿姝好  
視之無有厭菩薩世世爲人說法不從有所  
希望趣使得安隱而已用是故佛說經時人  
聞無有厭飽者菩薩世世不說人惡有惡者  
亦不爲他人說用是故塵垢不著佛身菩薩  
世世常受毀辱雖有筋力皆悉忍之用是故  
佛行地高者爲下卑者爲高菩薩世世見人  
窮厄給足與之見人破壞安隱令在賊用是  
故佛行道時地爲現威神如喜狀菩薩世世  
不作弓弩刀兵使人相害用是故佛行時荆  
棘瓦石丘墟皆自辟除菩薩世世從師所聞  
法不敢犯缺用是故佛所行事悉具足如是

菩薩世世喜然燈於佛寺及師父母前人有  
狐疑輒用解之用是故佛身光明炎出殊好  
無有比威神巍巍迺如是菩薩世世若見奴  
婢說經不可止令斷身復聽之用是故佛說  
經無有躑誤菩薩世世不持惡目視人設有  
瞋恚稍稍忍之用是故佛眼不大不小引長  
好人有見佛無不歡喜者菩薩世世見他人  
端正婦女不持婬意向之用是故佛身顏色  
姝好無比人有見者莫不歡喜菩薩世世隨  
時熟果及好香華持上佛比丘僧師父母用  
是故果樹華見佛無不曲傾向佛菩薩世世  
見丘墟惡道改令平正見無橋梁爲作橋梁

不以錢財故恐迫人用是故佛所入卑門爲  
大菩薩世世見閑空無井樹之處爲種樹作  
井及諸飲食令人得食用是故佛所行處地  
爲出泉水出於八味菩薩世世見人行步出  
入不說其惡用是故佛身悉殊好無瑕穢菩  
薩世世持雜香塗佛身持善意施佛及上塔  
用是故諸天人作香風之香持供養佛菩薩  
世世持雜香水與佛及諸菩薩澡面及楊枝  
梳齒用是故佛面口中皆香譬若發藏之緘  
菩薩世世見人有瞋恚意向菩薩常以善意  
待之用是故佛行道時足下有玉蛾無不得  
安隱者威神巍巍迺如是菩薩世世所有國

土及好香華衣被持施與佛用是故有人散  
華著佛上便成華蓋菩薩世世不壞人宅舍  
常喜作舍用是故佛恊金剛之力四方如山  
無能害佛身者菩薩世世見人有飢渴者先  
飯食之却爲說經用是故佛所止前皆有香  
華流水菩薩世世人從有所求索有者即與  
無所愛惜用是故佛說經時人聞之無有唐  
苦者皆有所益是故佛降伏諸魔菩薩世世  
持好音樂樂於佛及塔用是故佛爲諸弟子  
說經滿一佛界中人悉徧聞之菩薩世世作  
金銀雜寶樹上佛用是故諸天龍鬼神無有  
能見佛頂上者菩薩世世作佛塔持雜香塗



之用是故佛所行處珍寶香華爲散佛上菩  
薩卅卅見人有中毒輒持慈心往愈用是故  
佛所行處若人若樹中毒悉去之菩薩卅卅  
常隨經法不犯心常柔軟忍辱於人用是故  
有人狂亂來至佛所莫不得安隱者菩薩卅  
卅常持若干種香供養佛舍利及塗塔用是  
故佛身無有臭處瑕穢之惡殃禍不能及佛  
身佛威神巍巍乃如是菩薩卅卅見人有疑  
亂若爲鬼神所持輒往救之使得度脫用是  
故佛所向處若地有虫蟻悉爲除去菩薩卅  
卅世事師父母若見卧睡不數驚覺若欲使覺  
當持音樂若持好語誦經往覺之用是故佛

在內默聲諸天梵釋持音樂香往覺之。菩薩  
世世爲佛作精舍好持牀卧具什物用是故  
蚊蚋蜂虵蝥蟲之屬不敢近佛身。菩薩世世  
寒冬之時爲佛諸菩薩作細美之衣用是故  
隨藍風起在佛前不寒不熱亦不動衣毛。菩  
薩世世有奇異美飯食終不獨食若師父母  
有飯食不減損而食之用是故佛捨置威神  
力雖無所食佛亦不飢渴身亦不羸。菩薩世  
世不放火於山野并除他人三毒用是故佛  
般泥洹後火雖盛熾不能令佛變色。菩薩世  
世常上師父母及有道德人上貴舍宅衣被  
飲食有從乞者給與之用是故諸天及鬼神

諸長者持世間所有珍寶什物以上佛菩薩  
世世爲佛治道徑持澤香塗地用是故佛行  
道時諸好雜華行列散地上菩薩世世持戒  
未曾有犯時亦不教他人犯用是故隨藍風  
四面起不能動佛一毛菩薩世世爲佛於佛  
道中施五色幔於下請飯佛及比丘僧用是  
故佛所行處諸天張五色幔隨佛而行佛威  
神巍巍乃如是菩薩世世持珍寶履屣以善  
意與佛用是故佛經行時足去地四寸不蹈  
地其相文爲現菩薩世世持幢幡華蓋雜種  
五色持用上佛塔用是故自然生雜色幢幡  
蓋隨佛而行菩薩世世爲佛治道以雜香汁

用灑地用是故佛所行處諸龍持雜香汁灑地菩薩世世不曾說不淨人所諱語設有是語當意制不作用是故諸天龍神飛鳥不過佛上菩薩世世見佛若比丘僧來至扶迎爲佛作禮用是故佛所行處諸天釋梵阿湏倫鬼神世間人民莫不迎佛持頭面著佛足者菩薩世世常護身口意不犯衆惡不但用身故爲十方天下人施用是故菩薩在母腹中時臭處汗露不著身常安隱不恐怖亦無有嫉者菩薩世世持善意視佛見怨家見父母心正等無有異用是故佛智慧悉具足但爲衆善無有惡人有疑難問佛無不解者菩薩

世世持諸音樂雜香華供養佛及塔用是故  
佛入城時城中諸音樂不鼓而自鳴菩薩世  
世持無梨弊結金銀珍寶附憚持用上佛及  
塔諸菩薩比丘僧及世間人悉布施與之常  
持和顏悅意與共語用是故佛行分越時卑  
戶爲高菩薩世世爲佛施軒交露令佛住行  
其下持善意視佛復讚歎佛之功德用是故  
佛放光炎日月星辰皆冥無能當佛光明者  
佛威神巍巍乃如是佛言我前世爲菩薩時  
世世所行如是無數世用人故粗說少少功  
德耳我從無數世以來所有財產知非常是  
故持施與人我世世所作功德如是釋梵天

人所不能作是皆前世所行功德所致虛空  
尚可度須彌山尚可稱海水尚可量佛所作  
功德行累劫億世說之不可稱不可量若有  
人至意念佛功德者其福無量況爲作禮嗟  
嘆者哉人有欲求佛者作功德行亦當如是  
佛說經已諸菩薩及諸天人皆歡喜前以頭  
面禮佛而去

菩薩行五十緣身經

菩薩修行經

亦名威施長者問觀身行經

西晉河內沙門白法祖譯

聞如是一時佛遊舍衛國祇樹給孤獨精舍

與大比丘千二百五十及衆菩薩五千人俱  
皆尊菩薩神通敎達權慧變化遊于三世道  
利一切莫不蒙濟於時舍衛國大城之中有  
豪長者名比羅達晉言威施與其城中諸大長者  
五百人等宿意同念俱從舍衛大城中出往  
詣祇樹給孤獨精舍前至佛所即皆稽首繞

佛三匝問訊世尊却坐一面於時世尊以無  
限達因問威施及諸長者族姓子等發何志  
乎詣如來耶是時威施并諸長者即白佛言  
吾等世尊集坐靜處竟有念言佛世難值人  
身猶然得脫離世同亦甚難吾等竊議爲用  
何乘而至泥洹當以聲聞緣覺乘取泥洹耶



大乘普智泥洹脫乎時吾等舉心便發言曰  
志願無上乘泥曰身不以聲聞緣覺脫也吾  
等世尊志願發心無上獨尊正真道意以斯  
法故來奉如來云何世尊菩薩大士內性常  
欲應於無上平等正真尊覺當學何法而應  
行任惟願如來垂慧普慈以無極哀散示疑  
結今時世尊告威施曰善哉善哉諸大長者  
乃能改俗捨世之榮樂發無上正真道意覲  
詣如來又威施等勤聽思念當演說之菩薩  
大士行得無上等最正覺志作所應及其覺  
法長者威施并五百人即皆叉手受教而聽  
時佛告曰是諸長者菩薩大士發行欲應無

上正真等最覺者心向衆生當建弘普無極  
大慈志習念行勤執無捨進學無忘是乃應  
於無上覺道又諸長者若有衆生分其所受  
身口意惡彼行非故命終墮獄故諸長者天  
地聚合集以衆苦向諸網見衆生之類存心  
大慈懃志大悲守習學行專精如斯其身不  
著衣被飲食於諸利養意亦不貪以諸所珍  
樂盡施惠念彼衆生慎行戒具忍進定智如  
是長者菩薩大士欲發無上正真道者當習  
觀法乃應身行卽時威施及諸長者吾等世  
尊當修身三口四意三念法菩薩大士云何  
應觀身行法耶卽時世尊告威施等如是長

者菩薩大士有四十二事而以觀身作是觀  
已離想結縛身心意識縛著吾我貪身壽命  
濁亂諸非應便除盡是時威施及諸長者受  
教而聽佛言菩薩大士觀身汗穢本為不  
觀身臭處純積腐爛觀身危脆要當毀壞  
身無強當歸碎散觀身如幻諸大變化觀身  
惡露九孔諸漏觀身盛然淫欲火熾觀身  
燒興恚毒火觀身愚冥癡朦毒盛觀身羅  
縵恩愛結縛觀身如瘡眾患纏繞觀身可  
患四百四病觀身穢宅受諸蟲種觀身無  
常神逝歸土觀身頑愚不達體法觀身危  
陋毀落不久觀身無賴常懷多憂觀身無  
堅老至苦極

觀身無信飾偽純詐觀身難滿受盛無厭觀  
身巢窟受衆色愛觀身貪惑迷著五樂觀身  
昧冥意懷喜悅觀身無住生死種異觀身識  
念懷想衆賤觀身無友拯養會離觀身衆食  
狐吞狼爭觀身機關展轉無數觀身係屬飲  
食所盛觀身叵視膿血臭滿觀身毀滅趣非  
常法觀身如雉恒多怨害觀身熱惱常懷憂  
結觀身聚殃五陰所誤觀身苦器生死劇痛  
觀身非我衆緣積聚觀身無命男女會散觀  
身為空根受諸情觀身無實譬之如幻觀身  
虛偽其現若夢觀身偽惑為如野馬觀身詐  
欺其喻響像是謂長者菩薩大士四十二事

觀身行法其不觀者或者貪身心神意識由  
之起滅其有菩薩如是觀已受著身命貪愛  
吾我疑垢倒謬及諸欲樂有常之計皆悉除  
盡遵志守一不惜年壽如是速具六度無極  
斯謂長者菩薩大士以滿六德權化流布疾  
得無上成最正覺於是世尊重加弘演說身

行法而歎頌曰  
得爲人甚難值  
要會死棄丘冢  
僞欺我愚常惑  
是身求無返復  
因衆苦以成惱

無以身造惡行  
狐狼食或爛壞  
專興念貪色欲  
晝夜受諸苦痛  
身癱滿盛不淨

常困極於飢渴  
常受身終無厭  
爲見色犯衆罪  
身不能如金剛  
雖久存會歸死  
假長久養育身  
會飢渴不恒常  
更劫數因還值  
常發信莫犯非  
其極壽億千歲  
況其壽百歲者  
若有念想吾我

夫智者豈貪命  
強畜養劇親厚  
彼緣是受獄痛  
無以是造惡業  
時興信念佛世  
甘餽饌及香華  
雖勉勵當何益  
人雄尊佛之世  
或墮三受苦毒  
勤自勉如救火  
憍縱身造獄殃  
得人身甚爲難

當極意恣五樂  
斯之樂不永久  
當遠離諸慳貪  
財非財譬如夢  
時一有感便盡  
若如幻化色惑  
是欲財詐欺身  
以衆苦致福財  
財非財五家事  
課順隨妻與子  
覺無常了如此  
恩愛聚致苦惱

且自娛焉知後  
諸苦毒至不遠  
可得應大福祿  
強以此僞衆生  
明智者不恡財  
現虛僞華鮮采  
愚濁惑隨顛倒  
用身故念興想  
有何智爲財惑  
王勢強奪聚財  
終無意樂利家  
無貪惑者家獄

父母財身妻子  
有貪惜不自覺  
愚頑者力求財  
慳不信不可從  
外焦貪內熱諂  
談書藉或詩頌  
意麁獷性暴弊  
貪狼性無親友  
惟爲財習追苦  
順財故興此事  
是故智當省察  
金珠寶諸珍奇

皆留在行自當  
惟恐財隨我滅  
有智意信無貪  
極自卑如兒僕  
諸聖賢所不詠  
以惑衆若姪女  
諸慳人多妬嫉  
現界謙強親人  
智慮者莫信之  
乃造起毒善心  
棄離慳妬邪事  
因福祚得致之



爲斯故興諍訟  
時可值人雄尊  
乃當有金寶地  
欲五樂純虛僞  
欲若如夏盛熱  
貪目色欲惑己  
從習欲隨顛倒  
從九十一劫中  
山湏弥燒壞滅  
海陂池枯竭乾  
欲熾然亦如是  
諸聰達明智士

制是意整以法  
慈氏佛上如來  
焉知復在向生  
愚迷惑欺詐意  
坐野馬困疲勞  
姪發醉失意志  
當何時值佛世  
世乃有佛尊覺  
後何緣當得值  
天地焦水無餘  
有何智當著欲  
當察知居寂滅

有何貪奚可樂  
觀行習法之最  
著恩愛貪濁意  
有妻子會離別  
便獨趣隨苦毒  
斯三界惱之甚  
本受時規與樂  
緣受三惡道苦  
若當被諸惱根  
勿以父造惡行  
阿鼻痛無免救  
閻羅王獄卒地

解是義不入罔  
莫戀屍家因獄  
不能免獄苦殃  
所作行當自受  
彼無有代痛者  
莫若如妻與子  
返成憂罪惱根  
毒辛酸慘痛生  
妻及子無代者  
及與母諸親屬  
且莫如身行著  
彼不問父母事

兄弟妻子親友  
以得致身人身  
斷滅衆殃罪行  
已濁汙自防覆  
彼法王當散說  
身種作行自當  
身所造即獄殃  
當其受苦痛時  
及善厚無代者  
其欲脫獄楚毒  
當勤念捨離欲  
家火熾多惱根

惟結却身善惡  
遭遇值不念惡  
除改前不善事  
莫信作無報應  
分別了行清淨  
縱放意隨墮惱  
譬喻之影隨形  
父母親不能免  
是故智無戀欲  
及衆縛枷鎖械  
速行法世雄教  
火之起而常然

何慧達而樂是  
在家者憂利時  
有是衆萬端慮  
十力教甚可樂  
騃癡子無是志  
天地間專惑者  
愚頑意謂常存

當佛世尊說是法時威施之等五百長者應  
時逮得柔順法忍從得忍已神通備具達知  
去來聖智弘妙慧無罣礙明曉衆生意志所  
趣欲發起衆生一切會者觀心之故即說偈曰  
快哉爲大利 衆利之最上 其有發心行  
措大火恐難中  
居俗業營妻子  
何智慧不捨家  
無種哉取苦根  
但惑家墮地獄  
興念想我妻子  
不知之幻化身

求佛菩薩者

大乘心可樂

但欲安眾生

為人修橋梁

志樂大乘者

眾生愛樂彼

顏像眾欣覩

其有興發心

志求菩薩道

諸發菩薩心

種德於福田

深樂菩薩者

得為三界明

隆聖菩薩心

踰越諸眾意

一切悉備足

能度諸眾生

吾等快得利

愛樂興斯心

值佛能仁世

師子最正覺

得遠聞是法

菩薩觀身法

志即樂大乘

獲致於柔順

時佛便笑世尊笑時五色光出從口中奮輝輝

晃昱色色各異遂至無數光明普徧十方諸

土威影覆蔽一切釋梵日月夫魔宮殿之明

當其佛笑及震光明諸天龍神并世人民七  
萬二千見佛神耀晬晬之變亦皆自覺被如  
來明安育其體各於座上忽然悉得無所從  
生法樂之忍其餘無數皆發無上正真道意  
然其燄還繞身三帀而其威光忽從頂入介  
時賢者阿難白佛諸佛如來出現於世安度  
衆生道教洋洋終不妄笑今者何因興發威  
顏而欣笑耶善哉世尊如來降德愍念一切  
無量諸天及世人民皆使得安畜生禽獸蝸  
飛蠕動莫不蒙度願尊開解敷演笑意介時  
世尊告阿難曰汝見長者威施之等五百人  
不唯然已見世尊告曰是諸長者在過去諸

佛植衆德本從發無上正真道意如是阿難  
長者威施五百人等却後當更七十六劫不  
墮三苦然後成佛當同一劫劫名勇猛皆同  
一字其号名曰華吉藏王如來無所著平等  
正覺道法御天人師爲佛世尊各各所度極  
至無量是時阿難重白佛言唯然世尊甚深  
妙哉未曾有也如來散說是之弘與無極要  
法是經名何云何奉持佛言阿難是經名曰  
菩薩修行亦名大士威施所問觀身行經又  
斯阿難是觀要法過去當來今現在諸佛致  
道弘化無不由之吾今成佛有身相好化于  
生死亦應此法當善書持諷誦讀說開示一

切佛說經已賢者阿難大士威施五百人等  
諸天龍神及世人民聞經歡喜皆起叉手  
佛作禮

菩薩修行經

菩薩行五下緣身經

必

悵

而者反音若

姝

尺朱反美也

筋

斤音弩

乃古反

此

棘

上音京反居力反

墟

起魚反丘

辟除

上必亦反

迺

音踏

致

礙

絨

反古咸

協

叶音蚊室

辟除

下蜂

音

蚤

音上

早

下俗

藍

郎含反

色慢

履屣

下所

諱

反

謂

憚

徒且反

明

懼也

粗

履屣

下所

諱

反

謂

菩薩修行經



叡俞聖也歲反訊音腐爛上音且反下脆七歲反創

古文巢窟上助交反係計音叵反我讎音窳酬也劓

也奇逆反煩癰紆恭反饒饒上反尸交反美食也時腐

勉勵二字音免書籍下才麓獷反下俱猛作昨

反陂湖碑規均弥酸上慘上思官反辛愴詰一起

反械相戶界反駮語解上晁上晁上菊反胡廣反作煜下明

也飛也暉暉上輒反紆鬼反下夷蛸鳥緣反蠕而准反軟

也蟲

